

重刻來瞿唐先生日錄

重刻來瞿唐先生日錄

目錄

重遊白帝稿

凡九首

恰恰

長短句
道言

尋袁雙溪隱處

七言律

慰人

長短句

有所思

樂府

遊下厓寺隔江遙望朱雲石別墅尊成二十二

韻

五言排律

雲安嘗酒

長短句

答周紅岡講致良知 道言

寄譚敬所 二首七言律

求溪稿 凡十九首

過傳達五舊居 七言律

舟入求溪 七言律

早歌

賦得長相思一首答楊鑑谷書 樂府

酸齋 長短句

割蜜 李賀體

生日 五言排律

買月 道言

醉 七言律
道言

二蟲詩 新樂府

將進酒 樂府
道言

寄曹荔溪 選

雪 長短句
蘇歐二公禁體

寄古建吾 選

觀籠鵝放出刷羽泗潁溪中 絕句

迎窮

雜述
道言

雪中寄贈戴念瞿明府

長短句

求翁解

雜述
道言

古詩

亦名康節體

一十六首

內七首道言

買月亭稿

凡八首

買月亭

選

買月亭張成夫臨別索言

道言

送王玄葵遊滇海

選

寄沈梁峨

七言律

答劉強齋昆玉書

選

雪中邀陳桐岡常敦庵二邑博

七言律

寄贈謝劉洞衡太守

選

送渠宗弟薦書入選

選

重刻來瞿唐先生日錄

重遊白帝稿
甲申年

恰恰

恰恰又是三川路悠悠自笑百年心下和惚惘多應
玉許邁飛騰不在金恰恰恰人生亦何苦朱華素雪
血飛弩何處名爲鄒何處名爲魯回視倚天光雌雄
相仰俯俯者爲賓仰者主主者自歌賓者舞一歌一
舞成千古恰恰恰復如何榜人牽回也成歌白日駕
雲螭道術不在多拍爾陵陽肩軫憊莫蹉跎眊眊一
鳥掠船過層礎虛牝鞞藤蘿

諸本作弩者三五箭後
卽軟惟飛木愈射愈勁

其赤者名血飛更勁造
箭更速惟速故以飛名

尋袁雙溪隱處

故人一別隔藤葭知徧周溪舊釣槎
顧我來時三峽雨尋君隱處萬山霞
步兵求仕多應酒桑苧逃名豈爲茶
無限相思相見意煙波江上夕陽斜

慰人

騎馬必欲尋驤褭裹恐君步行只到老
食肉必欲得猩脣恐君咬菜自甘貧
生子必欲如曾子世間人子半皆死
爲臣必欲如比干古今紳笏盡貪奸
萬物不同

形有好必有醜萬變不同路有平必有陡不如我願
者十中常八九東隣貴客紅鸞姿惺惚早去拜丹墀
有位有祿有珠玉妻嬌妾美止無兒西隣貧人一味
蠢癡憨也不識玄牝雙眸漸老電騰光生兒五六排
槍笋世事至此吾不知何者爲貴何者賤誰可憎惡
誰可羨說與君君自見萬事何必從君願麗華之妻
采就之圭人人都慕想誰消百甕齋箇中如自恣終
是落醯雞照君心上事燃我手中犀君不見眼前十
指本一體有高亦有低反掌之間且如此何況世間

紛紛萬事各町畦安得從人心意願斧剗刀一般齊

有所思

吊傅達五

有所思兮思正急美人只在千金石我來石上空寂
寂漁火不然江水碧有所思兮思翻疑美人只在流
杯池我來池上草淒淒綠錢黃霧灑潄潄人生寄世
何草草奄忽猶如過目鳥俯觀江漢仰浮雲椽蠡登
巢何處好有所思有所思兮嚮至曉錦琴洛浦遠何
早蛟龍纏劍還雲表鸞鳳夾簫飛空杳乘虹我欲登

蓬陽警問群仙壽與天生憎醜慧太顛倒紅顏
翻先掃有所思有所思今令人老蕭蕭疎柳三川道
傳子北還時余曾以有所思寄之載之缺鳳
稿中乃爲余作目錄序自以爲余之鍾子
期未及一載而遊岱宗今子期輟春余當
絕絃矣不覺令人慟悼茲復以有所思弔
者不忘生前意也

遊下厓寺隔江遙望朱雲石別墅嶸成二十二

韻

歛石轉盤渦捫厓獨木柯嵌空疑鬼鑿洞古喜人過
霄漢虹橋近浮屠寶筏多山連魚復國水接虎鬚波
丹竈塗蠶胝跌關泐鳥窠霞明髹石象灘急吼江鼉
入解鳴空澗四禪隱曲阿天高惟福善地勝有神訶
懿此息心侶來茲安樂窩三刀曾試夢九籥竟成吡
旋綬盧仝屋重捐翟尉羅稍薺宜水埒瓜蔬愛陽坡
朱瑟烏皮几黃冠白鷺蓑弄丸登彈子釣月下盤沱
茶茗東岡子栽培郭橐駝先生今日傳狂客豈無歌
取醉嗟玄鬯相逢盡髻螺乾坤思管鮑花鳥怨陰何

繫帛長驚鴈揮毫可換鵝吟嘯疑越調咫尺隔清
岳雀臨窺啅殘蘆抻水傚詩成投鯉館應是化龍梭
彈子石名在盤沱江邊其圓如珠

雲安嘗酒

賈浪仙孟東野文章亦是尋常者小魚彭蠡味非珍
縱然嘽噉腥膻寡惟餘銅斗一篇歌高出清曾稍古
雅自種韓愈桃李門聲名不在維參下流水高山一
曲琴悠悠世上孰知心千年賀若歸何處廣陵自抱
自呻吟生平策足歛段馬夔胝鹽車歲月深長向北

風嘶楸草伯樂一顧卽千金君不見麴米原
是夔州產未必醺人剛一盞假令方之快活
春伯仲之間爭耳眼止爲詩名重酒名遂將
白水傳青簡

清僧賈島也蘇詩要

當闢清僧未心當韓豪子快活庵中所造之酒名快活春

答周紅崗講致良知

菩蒿似艾原非艾蒲城戴礮空相賴杜蘅似葵不是葵
浪傳心事向樽曦理欲之立不容兩白日忽然生
魍魎欲做擒龍打鳳仙習心磨切須巍巍孟軻拳拳
求放心切中今人腹內瘥

寄譚敬所

二首
有序

敬所臺中時去滇海柱茅廬荒村缺款烹菘
炊糜與余共榻連懔叙濶未寐次早送至溪
邊乃戲余曰爾高賢決成矣我見爾以菜待
大賓談笑自若應知爾心鍊石也加飯加飯
噉噉而別昨遊白帝見郎君於楊少臺家對
酒懷舊申之以詩

東閣郎君金玉姿玄亭一笑倒鴟夷郎君此地浮觴
日翻憶當年煮菜時元亮歸來心已遠長康老去性

還癡孤舟客夜難成夢莫柝宵砧有所思

自小山人耽野興一生活計在滄浪典墳有味黃金
賤松菊多情白日長笑我登臨雙脚煖看誰音信十
年涼南來無限鷓鴣侶莫惜瑤華擲釣橫

重刻來瞿唐先生日錄

求溪稿
乙酉年

溪在岑公洞山後溪上有
觀音閣峰巒聳擡天外

過傳達吾舊居

都歷西風捧火輪
大江東去一溝銀
卽看三徑羊腸路
翻憶千杯馬乳春
杜甫堂前新舊雨
翟公門外往來人
可憐日月成何事
長笛蕭蕭起北隣

舟入求溪

雞聲遠遠度煙叢
榜客蕭蕭欲起蓬
三峽氣騰明暗裏
千金石沒有无中
從來愛詠休文月
此去應憑宋

玉風更謝王翁能酬客東方既白臉猶紅

旱

甬師曠厥水部職尸位素食非一日當春及夏不發生望舒怒之不離畢遂令閼伯弄火梭白晝縱火焚人禾趙盾不曉民間苦助火爲雪飄紅波可憐龍身鵝血紫翻笑泥人立闕里孫仙只欲覓靈方不管胡僧羞欲死安得南陽起臥龍摘除青黛美人虹千機萬拂澆酥汁處處農家金三尺

古詩平地三尺甬農家三尺金

賦得長相思一首答楊鑑谷書

君不見黃姑女孫隔河梁年年七夕又成雙又不見
萋蘿松栢不同氣短枝弱蔓長相將無情之物且如
此人生靈於物何事參與商美人住江北我住江東
魚復國少小相逢芙蓉衢面上桃花頭上墨不知隔
別今幾年手提紅月還娟娟蒲葦爭光成甚事星霜
不覺上華巔萬念如灰灰更掃三十年前心卽了惟
有古懽朋友情風雨五更猶絕倒美人突兀寄書來
玄猿驚散白鷗猜開械如見面一字三看腸九迴長
相思思之亦將奈之何哉安得招邀甕進士榼秀才

加我山人來矣鮮與爾日日同眺槽丘臺顧我瘖瘖
眠空谷不友縉紳友麋鹿懶遣奴星結柳車惟彈一
調無絃曲此曲未尚世人彈知之者惟有嶺上之松
溪下之竹譬如漫客學屠龍千金之產盡皆空無地
施伎倆翻不如癡聾南箕北斗終無益浪說當年崔
少通九有茫茫今忽古磨磚作鏡心常苦鮎鱗強得
上棹變崖峇眼看成斤鹵赤須白足學長生依舊輪
迴登鬼譜不如美酒日悠悠醉從丞相車中吐萬事
不如意十者常有五虞翻骨體疏江總文章嫵癡虎

笑鵝龍鵝龍笑癡虎胡肥鍾瘦信人書噫風笑電隨
天主吾惟歸潔其身而已矣美人何必計較海底珊
瑚天上白榆西湖之風東華之土長相思思如何此
身思生兩腋翼與爾翻翁五岳之標顛跌坐沈寥之
巖阿捉星登若木弄月下銀河酒酣之後却寫驚天
麗句問真宰驚破十洲玄海之蒼波

因答書中所論
教與古樂府長

相思辭

意畧殊

酸齋

君不見墊巾婆娑形本醜郭泰頭上卽瓊玖至今猶

名折角巾周冕殷昇齊不朽又不見山中蒲葵其物
賤謝安兒戲裁爲扇一刻九衢價倍高蜀錦齊紈翻
不羨貧人見肉口垂涎三尸五臟火齊然朝煙暮雨
酸齏菜到口思連瓦器捐貴人行酒坐亦肉作客招
賓日不足千杯萬筯六龍西亂眠忽醒雞將啼偶得
酸齏救燥吻回首能躡價盡低人生無貧富無好醜
不論登廟廊不論居畝畝但我一時得意處百骸九
竅皆抖擻何必千辛萬苦求黃金只要黃金量石斗
勸君莫只問天梯且來聽我歌酸齏酸齏酸齏有來

一物各有一物味安得功名富貴人人都要一般齊
匹夫各有志有志不可奪君又不見李泌富貴第宅
非所樂但願一覺天子脚明日太史奏客惡

割蜜

朔管聲驚風翕習雲腴秋老寒光濕洪濛剖破鷓鴣
刀龍膏濩落驪珠泣靜奴擎出芙蓉酥夷語羌聲擾
五湖水紗雪幫臥瓊玉接荻笋出霍家妹羊娘龜染
絲飛藕壬公鷺浴琉璃甌褰神飄沫貯雲霞楊雄太
玄燦星斗

生日

一雨遍求溪。千峰亂掛絲。流雲來作帽。野水去承池。
修霽時飄沫。鳴琴漸自移。吟魂依綠蟻。鄉夢繞南枝。
旅歲驚將暮。家園屢卜期。江山留客住。花鳥愛人詩。
父母劬勞日。隣姻慶賀時。行藏風月識。好醜髮毛知。
青鏡窺誰笑。黃流轉自怡。脚常思五岳。心懶逐三尸。
聞道常嗟晚。求仁已覺遲。頻尋宣父樂。不改長康癡。
藻景原難駐。翔陽豈易羈。樊侯方種漆。元道正歌芝。
峒嶺應非遠。天關戒自欺。爲山須進簣。策馬莫停輜。

買月

風月隨我已多時。三人心事盡皆知。吹我衣裳千仞
立。照我文章萬句奇。偶然茅屋如揚鐵。蒲園百竚吟
聲。喚醒昏昏醉酒翁。說將月來賣與我。我言老友
已多年。賣之之故亦何緣。風言渾沌只一箇。却被伏
羲畫一破。遂使洪濛分西東。他名爲月我名風。六龍
捧日從西走。我亦隨月看芻狗。自從生君弄月人。月
不在天在君手。占戀于今三十年。替君詩思生瓊玖。
將我風月都平分。不得團圓共相守。不如收價賣與

君。萬里清光盡。君有。昨去通明告上帝。上帝已許連
肯首。我言寒儒有甚錢。雲間天上買嬋娟。風言不用
君金玉。止用君詩一百篇。我言一字千金重。買此蟾
蜍欲何用。不如將酒澆我詩。擊玉敲金抱郝頒。風言
曾與月商量。任君減價也無妨。新詩一句亦儘足。只
有心事要說出。若是離畢雨滂沱。不得到君安樂窩。
藥師亂翻銀河水。霓裳濺沫濕婆娑。我言如此決不
許。賣月之言盡虛語。既然有雨不得來。虛空生白誰
爲侶。風言有雨我先來。爲君代月掃塵埃。早送百花

香滿屋。晚遣松聲團浚谷。一日不見如三秋。豈肯令
君自悠悠。我言如此亦暫免。晴日卽令懸山巘。照我
書房繞我帷。千年萬年屬我來矣。鮮。東憑啟明西長
庚。風引月來立券成。再三再四屬付月。丁寧聽我結
重盟。庾亮之樓。莫去玄暉之庭。莫行仲宣之西園。莫
照陸機之北堂。莫明李白若來邀。忙忙往西征。謝莊
若來賦。淡淡浮雲生。玉兔爲我擣。長生之藥桂藥爲
我播馨香之名。一段虛明我已買。不放清光下湖海。

醉

山北山南幽更幽。人間飯熟未梳頭。一生舊事提長
劍。八句新詩起短鉤。供奉當年曾作聖。伯倫此際又
封侯。卽時拜舞騎鴻去。鳳表鸞箋謝日休。

皮日休詩云。他年謁帝言何事。請贈劉伶作
醉侯。

一蟲詩

蚕

繭雖自外織。絲從腹裏抽。人皆穿繭樂。不識繭心憂。
蜂

千山萬朶花五風十日雨人皆喫爾甜不知爾心苦
唐人詩云一將功成萬骨枯又盧仝謝茶詩
云山上群仙司下土地位清高隔風雨安
得知百萬億蒼生命墮顛崖受辛苦又辛
侍中從文帝射雉帝曰樂哉辛曰陛下甚
樂群下甚苦二蟲詩意蓋本於此亦猶白
樂天之新樂府也

將進酒

銀潢捲霧飛青霓惜花携酒排金壺氷輪斜伴玉繩

低幃呼起舞枕中鷄丈夫各抱通天犀安得箇箇金
印如斗蒼頭提千年夸父雙眼迷誰挽羲和轡不西
金谷秋草烏夜棲來向平原塚上啼仰觀群鳥飛俯
歌將進酒鶴尊鸞爵呼來澆我談天口我是人間修
月手應有光芒貫星斗焉得屑屑去問王康琚大者
朝市小者藪賢人濁聖人清矣鮮與爾有舊盟北斗
七星化爲人學我快活學不成我旣娶媿世上應長
庚又何必再論清清濁濁酒之名且來快活我平生
快活快活來氏子已知千年萬年不死矣崑崙崑崙

在何處我將騎鸞直上九萬里火輪飛焰六龍紫通
明殿閣流銀水照我詩仙胡至此錫我以瓊藥可度
之屑授我以汪氏不死之醴萬一千年萬年之後白
玉樓中隨物化定配享吾黨李白同祠共宇峨山裏
清風明月來相弔定請宋玉作傳謝莊作誄

寄曹荔溪

曉日掛銅鉦俄爾雲填壑扶輪自東來析析成蕭索
鸞彼歸飛鳥顧疇鳴秋穉涉江芙蓉老所思在寥廓
之子去悠悠三載猶如昨俯觀瀛海生忽如過目鵲

大江日夜流去矣不復却朱顏尚可酤白髮終無藥
揆余麋鹿姿休澣應修薄自笑屈轂瓠應難鑕挹杓
子建肆飛藻率瓌麗金艘好借玉雞毛捧天鎮六幕
而胡翻采榮永嘯千仞霍圖折鬪方流蓄寶自光燭
旣希防露音終然徵賀若蟾兎入璇題洛浦共綽約
夕淪注金壺反劍紛六鑿鴛鴦裁合懽尺寸相斟酌
願隨晨風翼快此屠門嚼何時登塗山談笑傳錯落
寄言遺所欽搦韃心如篋師涓久不來無人奏別鶴

朔風撼山山欲竄玄石無功一時散

王績字無功

起來樹

上看揣封地爐艷蠶重添炭歐蘇二子矜辭華不持
寸鍊以手扞譬如號國去夜遊十分嬌媚三分嫵却
嫌脂粉遮天仙淡掃娥眉使人看我今才薄賴粉本
安得空拳登彼岸兔園詞人久不來摘韃四顧起長
歎不如且去求焦革將我詩思漫澆灌一杯方入口
耳熱起微汗二杯到詩腸腸中膏肓磊磊落落之泉
石一時起舞通叛亂要出與雪關清冷爭皎潔載號
載呶相呼喚詩旣狂呼酒亦無筭錫筆白戰寫長篇

一句不易一字不換果然取雪來相比我詩清冷皎
潔十分全雪僅得我詩之半醉後機息臥簾床詩魂
擁我如雷鼾翻笑鮑昭有機心體裁去學劉公幹

寄古建吾

時長沙二府

暢月日初三瑞葉飄滕六未集謝莊衣先零司空谷
念爾去悠悠伊余空碌碌羲和敲玻璃夸父策輪轂
玉兔從東馳金鴉隨西逐鷦鷯憶長波玉鮪思舊匱
何時共霞觴此日裁雲牘賈誼才本高漢文思亦沃
不得據要津翻令生華躅白生元積梅黃度鍾繇菊

遲速不同時升沉各有屬何是陽春歌誰名數楚曲
宦味卽蒲盧功名同戲局五白如可呼七戰亦甚速
線綺音更高紫電光堪掬思君當雄飛笑我常雌伏
不求史上青但願尊中綠三杯封公侯一斗騎鴻鵠
湘水多魚腴衡陽饒鴈足莫惜響瑤華歸飛慰麋鹿
觀籠鵝放出刷羽泗潁溪中

紅旗白鉞度孱顏老將騰飛此日還寄語酒泉舊知
已今朝生入玉門關池魚籠鳥有江湖山藪之
思人情大抵然也賦之以此

迎窮

求溪之峰有千朶焉厓屨一二若燉煌匠石所削者
中有浮屠飛閣重欒回軒雲雀矯首挖太清以混成
焉來子九日携青州從事披葦路捫石窾直至其巔
跌坐石上淩中遠俟八極圖於寸眸宛然韓仙騎鹿
太華之狀也俄而厓下鱗鱗獵獵非煙非霧若人鵲
冠豹履直達於前來子曰何物也卽長跪於前曰賤
子窮神也來子曰窮有五惟命窮人多惡之昔韓子
送爾吾意爾群群居玄瀚之外矣爾尚在中原耶神

曰公誤矣公豈不見韓子之書乎韓愈結柳設糗三
揖而送之者乃我同父異母之弟也非我也父姓真
諦宰字得一我母陽弟母陰我名窮神弟名窮鬼弟
愛人宮室之美妻妾之奉金玉爵祿我則掌孔門傳
心印通人九竅增益人所不能益壽考兄弟二人奉
上帝之命長遨遊於江海之間一日上帝欲唐文之
變憐韓子之才命弟事之三上相書韓子雖每每送
之然奉上帝之命不敢違也故事之終身獨上佛骨
表之時弟長天之威躊躇徘徊乃我王之更雪中過

潮陽遇其姪於路此一年則我事之也千年之後上帝又憫孔門格物致知之學千載不明絕而未續又命我事公今已三十年矣來子曰既三十年何以家居時不見而至此見也神曰我雖事公三十年公日夜惟樂不以我爲事故我能入公之身而不能入公之心常得公之見而不能上公之面今登茲山攀蘿援藟手煩足勞故我方得到公之前而呈其形焉且公之樂非絲非竹非爵非祿非媛非嫵非金非玉意者其有所覺悟而樂乎來子曰爾亦知我乎神曰我

事公三十年安得不知公來子曰觀此爾教悲於我
多矣韓子送其弟我則迎其兄焉于是卽岐趾卜剛
日築太極之會臺豎五牲之元府揚孝弟之華旂桴
忠信之士鼓齊戒洗心迎神於求溪而兼爲之辭曰
緊一氣之構天兮烟烟洋洋乃剛柔之變合兮萬物
紛張鼓動陶鑄而無亭毒之心兮糾錯塊比而匪常
胡人性之好炎兮爾獨蒼蒼而涼涼不入七貴之宅
兮不登五侯之堂遇金谷而廻車兮見郭穴而旋驤
長抱影而娛樂兮自歌咏乎滄浪爾之性蓋天下之

至冲淡者也堯舜之時民安物阜爾名潛藏至春秋
之時送孔子於陳而爾遂傳聞於天下矣因君子固
守之一言爾之名得孔子而益彰爾無上兮千桂虎
豹鬚齟淒淒兮晷緯惑雪冷腴骨兮上不可以棲兮
爾無下兮重壤濤蜚無極兮仲野游光巍巍噬噬兮
下不可以棲兮爾無東兮祈水萬里淵淵兮兮馬
銜當蹊兮東不可以棲兮爾無西兮金樞鑣轡影沙
碧石兮條支餉人兮西不可以棲兮爾無南兮紅衣
之尼嬋嫵兮楊芒嫫而絳天兮南不可以棲兮爾無

北兮鴈門墀雪薄草木兮驚風颭踰裂原兮北不可
以棲兮爾無四沒於中土兮中土之人千頭萬箇東
郭之履長穿盧仝之屋久破冬煖兒寒年豐妻餓火
狐吹焦先之廬豆稭飄袁安之臥家無宿春門無客
過鶉飛西河之衣草侵仲蔚之坐尪尪尪尪尪尪
尪中不可以棲兮爾惟從我無上無下無東無西無
南無比無四漫之一兮爾與我攜此一兮尋顏回之
巷兮簞食瓢飲兮登孔子之庭兮仰觀浮雲兮乃息
蔭於孔林之中兮呼清風而問襟褰皓月而長歌歌

日洙泗之水兮清清尼山之雲兮亭亭美人兮慰我
好音於是騎巽二而上開陽兮度銀灣而美白榆兮
復趯日觀兮夔翔陽始隴搏英之津兮照我榦榦
施兮神兮神兮與我充塞天地兮

雪中寄贈戴念瞿明府

玉燭南箕驚旅客耕夫處處歌宜麥希逸月來下夜
城陳思馬入玻瓈國誰人載酒到梁園買月亭高偏
更白好似安仁去種花扶踈頃刻長雲霞河陽一縣
增山色千樹萬樹皆奇葩又如太山神女嫁西海瓊

嬋琪嬋相爭曜旌旗龍鳳縱橫飛只畏太師賞其宰
詩成玉屑帶冰書此去憑誰投欸乃一壘岑公咫尺
間剡溪何日酒潺潺翻笑子猷終與少棹歌何事夜
深還

求翁解

來子客求溪有時矣或時坐溪上之石或讀書閣中
或溪之人載酒飲于峰上或尋其洞乃名其石爲求
石閣爲求閣峰與洞皆以求名之自名爲求翁客有
遊於來子之門者曰先生不愛不求今自名爲求或

者不可來子曰心有賓主所謂不愛不求者必其有所愛有所求也使主不能勝賓又安能不愛不求今余居此溪所弄者此之月而已所吟者此之風而已夫所弄在月則所愛在月所求在月矣所吟在風則所愛在風所求在風矣則溪也石也閣也峰也洞也我也一也物我渾化意象兩忘以求名我夫誰曰不可客曰發矇矣

古詩

亦名康節體

古詩十九首並蘇李二詩載在選中皆三百篇之後四言變而爲五言者擬古詩者卽其辭而擬之是卽齊奴之鬪富也殊無意致余作古詩乃卽其人情物理有所觸悟者作之雖與古詩聲調畧殊然可以懲創感發而其辭亦同古詩之體也

其一

豹死惟晉皮人死惟晉名

工彥章之言

莫因富與貴錯用

一生心君子與小人隔之只一指差之纔毫厘失之
便千里長笑老瞞癡有才又有時茶路千條苦纜車
萬斛思此念學周公伯仲爭驅馳富貴既不失榮名
亦相隨而胡冊元茂覬覦念益滋雖然四足分終爲
他人虜只緣錯用心翻爲後世嗤反手卽鳳麟覆手
卽蛇虺不去做聖人却來做好鬼

其二

醒時醒一醒悟處悟一悟一醒兼一悟便是學聖處
喚醒又不醒纔悟又不悟凡夫與俗人原是自己做

古人有閑處今人偏自忙
古人有短處古人偏自長
聖人一發憤發憤食便忘
爲甚事發憤此心長思量
孟子養浩然至大又至剛
至大在何處至剛在何方
披荆覓芝蘭撥雲看三光
今日醒一醒明日悟一悟
一日復一日就生登天步
立在崑崙巔絕目四面顧
下見紅塵起千條萬條路

其三

大江日夜流怒馬逐金鴉
人生天地間塊若一樹花
時來呈色象風至委泥沙
又如遠行客忙忙客路賒

行到天盡處復還真宰家高者學聖賢堂堂成君子
中者飲美酒磊磊被統綺癡者如精衛木石銜到死

其四

飲食莫太過太過必破腹指甲莫大長一折卽傷肉
李斯秉鈞衡妖狐駕火輪一飛飛到天與天相比隣
一墜墜到地不得求編民不如顏駟老沿牒日碌碌
登天不爲榮墜地不成辱

其五

君子盡在我不必求人知長下如葵心

淮南子聖人之於道如葵

向一誠戒自欺因想古聖人伐木絕糧時譬之喪家
狗喁喁百般咷千載時不同況又至今日子珪豈不
才位不登執戟君山豈不賢鍛羽常蹢蹢太宗常有
言此言君須知待我心肯日是汝命通時風送滕王
閣雷轟薦佛碑一刻不可早一刻不能遲梅只可爲
梅棗只可爲棗酸甜天生定改變不得了莫矜我才
高須知他命好春風一日到蕭艾亦生藻卿雲天邊
垂荆棘亦光皎自家不修德王侯亦腐草手中彈綠
綺紳上佩瓊枝未登和氏塲必有鍾期知

其六

東隣女聰明日日理桃紋翻爲聰明誤終身不嫁人
西隣女醜醜恂恂如聾啞嫁夫排金門玃璫騎驄馬
楊雄著太玄三都賦亦妍杜甫成詩聖太白作詩仙
兔艸落赫蹏鳳鳴龍亦吼紫潭偶一滴一滴卽瓊玖
四賢豈不偉胸臆羅星斗終身蔭蓬苗東窠又西走
郭舅蠶於木金銀堆齊屋元稹詩東家頭白雙女兒爲解桃紋嫁不得注余採荆時目擊貢綾戶有終老不嫁之女

其七

百獸愛吞腥百禽愛啄腐多者傷羗鏃不爾羅網罟
不見水馬兒

東坡有水馬兒詩

跳躍弄潺潺蟬向金虎鳴悠

悠高樹間惟其無所求利害不相關李泌與張良功
成卽磔穀高足策雲霞繩索不得束有利必有害知
足決不辱不須巫咸占莫向季主卜

其八

天有掠刷司中設照人燭知人之怪巧識人之侷促
損人之有餘補人之不足有富必無貴有貴必無富
既富又且貴壽非金石固三者若能全子孫必不賢

四者兼之有文武方能然監殷成叛賊玉環破成玦
遂使東征篇昭昭登簡冊譬如嫦娥美要美美不得
三五面纔圓三五面又缺茶能醒人性酒能陶人情
二物日用間天地不兼生庖丁善解牛方臯善相馬
彼此小有名千年附大雅猶勝讀書人沒世無聞者
相馬兼解牛藝必居人下

其九

嫠婦哀夜長志士惜日短豈在長短間一念各有管
孔子齊聞韶三月無肉味惠可欲求法舉刀卽斷臂

味豈不在口臂豈不在身此心各有重臂味何足云
欲要得虎子須要下虎穴欲要驪龍珠須到驪龍額
霧豹求文章不食常自苦犬豕只愛飽腴腴甘作脯
其十

愛者卽爲寶不愛卽爲草愛者是真龍不愛是蛇蟲
師古只愛畫一畫千金價嵇康只愛琴一琴價千金
貴者雖自貴我賤一毫輕賤者雖自賤我愛重千鈞
務光讓天下天下卽牧屣王氏鑽李核李核卽羅綺
裸壤售衮甫龔俗奏簫韶我物非不貴彼不置毫毛

齊王只愛竿來者去鼓瑟彼此不知音當面成胡越

其十一

姪姪金谷園樓閣遮天起一朝天風吹化作鄱陽水
前人千尺臺後人平作路前人十尺墳後人栽作樹
碑碣終消毀金石亦不固誰言自錐鍔飛薄都成霧
纂纂又離離一日作枯枝雍門不曉事千秋萬歲時
富欲多千箱貴欲錫九命杞人日日憂江淹時時恨
恨者恨成癆憂者憂成病不知成方至忽爾敗又來
成敗既循環憂恨何爲哉

其十二

顏回鑄孔丘落落陋巷裏秋風敗叢蘭三十卽早死
鄉人炎涼人寒儒而已矣陽貨當其時言仁必不富
狐貋被虎文赫赫居要路呼人來與言氣焰亦可惡
而今較顏回重淵窺天步韓愈送窮日憐憐相門間
朝進暮又出上書叩天關宰相不垂青三上亦厚顏
豈知千載後聲名重泰山青青十七史僕射名已刪
死後說文章生前誇富貴屈者今日伸顯者當時晦

其十三

世上有一關原是般匠作木石甚堅剛牢固不可破
將軍日守關呼喝不許過少年有壯志不肯關外坐
猛力打一拳粉碎如着鎚化作清風飛清風長泠泠
騎起清風去只到崑崙頂群仙見我來瑤漿烹玉鼎
授我長生法天地同久永回視關外客睡着不會醒
其十四

仲尼何處學只於心上求心上何處學撒去心之憂
此心終日想未曾得停畱又要金銀多時刻有機謀
又安聲名高爵位等王侯又嫌屋矮小臺榭盡重樓

樓邊要花臺百花相影粲又要好美妾王嬙女之流
又要好田莊歲歲得豐收又要好壽考百福享釐休
又要子孫賢富貴長悠悠朝憂暮亦憂如狩亦如蒐
一日憂一日春來又復秋不覺生白髮甘心鄉人儔
官牆不得望安得升仲由撒去萬般憂明鏡光塗塗
提起鏡來照仲尼在裏頭

其十五

我有一圃花擢秀長闌竿春來開桃李夏至開牡丹
重九菊華黃冬梅雪共寒不羨頓有亭不羨洛中盤

不羨士夫蕙不羨君子蘭灼灼順道機生生未嘗殘
人見開得時都說種花難問我種花法我笑不肯言
或言如何醜或言如何好或言如何遲或言如何早
或言如何嫩或言如何老彼也費商量此也犯探討
我言如此說終是傷於巧只緣伎倆多墮空猜窈窕
不順造化性生意翻枯槁不見種花經經文一句了
說與種花人種花只鋤草

其十六

道德天上聖富貴其中思將此爲功課時時常念之

堯舜是何人昭昭在簡策我又是何人落落同鄉陌
兩脚登泰山登登不要歇一口吞洪漚牙蠟硬于鑊
有衣莫言寒有食莫言饑衣食既足用徒倚相棲遲
有衣既在身切莫思羅縠冬月雪霏霏途人尚跣足
有食既在口莫言下筯少猶勝隣家兒喫菜也當飽
志士向前行溝壑任枯槁咬得菜根斷萬事一齊了
任重而道遠貧寒何足道

此皆數年所集在求溪者
二二二首爾

重刻來瞿唐先生日錄

買月亭稿

買月亭

買月者余之詩也道言也好事者爲余求溪之峰誅茅成亭余訂証往日所著太極圖並大學古本于其中云

山上旋捎茅溪下旋削木加以十餘榱木盡繼之竹亦無麀麀華高殿凌空谷好似放翁巢亦近孝然屋時有買月人朗然坐幽獨手中弄一圓玊璫光可掬好風自南來與之相馥馥四顧雲霞高一笑山水綠

買月亭張成夫臨別索言

爲學如燒窯切不可助長火候功夫到煙自生清亮
仲尼到而今千載道已喪只因名利關終日作膨脹
因此自沈溺墮落深萬丈仰視魯仲尼仲尼在天上
不須求花譜鶯鶯舊花樣只于心上覓何處是蕩蕩
送王玄葵遊滇海

四序相推斥玄冥乃其冬萬卉生迴游惟葵性至忠
嘉賴從翔陽朝夕相西東我戀求溪勝冷然居其中
買此溪之月御此溪之風灑落排冥筓日日歌桂叢

千山滴泚淙憐爾遠相從
深夜聽我歌席金烹蕡
明鐙照張標五斗又無功
忽忽卽相別送爾過采虹
一壺聊供祖班荆相從容
我愛點蒼山此念常忼忼
今日歌驪駒何時寄鵲鴻
玄豹求文章不食甘九纓
惟學能染人甚於丹青濃
去矣崇明德海日有時紅
還當策高足獻賦明光宮
勉此玄蔡心廊廟佐時雍
莫學我憨懶麋鹿臥龍嵒

寄沈梁峨

結客當年漸曙星
休文別後幾秋雲
知君詩發千篇

豔笑我居常萬疊青
插柳長成應有傳種魚生活豈
無經何時得遂山陽願
夜夜梨花繞慢亭

答劉強齋昆玉書

日月成何事迅速如反掌
河伯從東飛六龍揚其漿
何時別公非此際答老強
追笑少年叢焚尾巡燈幌
廿載猶如昨令人發孤想把臂
芝蘭英曙星三五兩
君本紅鸞姿遞鍾擗高朗
講學入河汾千載寄遺響
宮牆桃李花又種嵩嶽
峯作偶惠好音同病憐
吾黨我客求溪久砧霜忽
嚴爽溪上看紫芝日共道情長

行雲思故山抱影時長往咫尺隔天涯空詠高山仰
好向山中來翹月同清賞

雪中邀陳桐岡常敦庵二邑博

一夜寒飈屋欲穿千山瑞葉白于綿春蟲已撲山人
楊豆稽應侵旅客氍毹舞去定隨袁淑馬興來好放子
猷船相逢此景真堪畫莫惜橋頭灞上鞭

寄贈謝劉洞衡太守

有序

洞衡公江海中之心友也家居時余曾寄詩
云詩作蛟龍吼名應蓀蕙香載之釜山稿中

今已廿年矣時宦川中文章政事一時竝傳
草木亦知其名屢吐芳訊無由晉接昨以督
本經梁柱寒廬嘉貺稠疊適余客萬州求溪
未得晤言脉書來令人長嘆草此贈謝

湖蜀有兩友江海只一箇摘毫燦玉花出口飄金唾
文雅縱橫飛典墳顛倒剝還將賈島奴直追宋玉些
句傳趙倚樓名重陳驚坐昔同上國遊兼示惠州和
公有和鴻鴈天邊翔麋鹿山中臥已識成雲懶非止
杜集

同農情羲和自斥馳箕斗相斟醵好似馬扔車真如

蟻行磨悠悠二十年忽忽朝夕破王家借真才甘雨

零旱稔山水頻探奇

公有入蜀探奇稿

農桑時勸課客饒文

生塵齋馬長嘶餓河陽花始開單父音愈播宦囊無

幾錢圖書有數馱景行仰斗山清風立頑懷臺省虛

東南穎渤分右左豈知求溪去忽爾高軒過層雲薄

高誼尺瑱不足貨何曾具鷄黍未得解醅釀思君魂

飛揚令人心折挫絲桐將欲樹太容久不作聊申濡

翰情空將赫蹏沔郢水歌巴人燉煌搯斧銓瓴甌愧

璵璠羅衫笑幪褕何時重行行偶得相歌歌山中多

煙霞不堪持贈賀

右 公嘉稿生捧讀璘璣耀目曾欲與公作序

文但余快恬庵中有禁不曾作贈文詩
則不論如不鄙樵人竹枝卽將此俚語
附之嘉稿之末亦卽附駟驥之旄旆軼
歸鴻予碣石也一笑

十二峰買月道人隣治生來知德書于
求溪買月亭

送渠宗弟薦書入選

一別三十年恍然如一日白駒送羲和倏見電奔逸
洛犬與衡鴈空如傳命驛鶴鵠報好音夜半聲唧唧
把臂成一笑慰此孤懷唼惺惺棠棣華不得種同室
憶昔晤言時鬢髮黑如漆不覺到而今已爲青銅啞
吾宗人多朴爾猶金玉質笑我友鹿豕歌咏長抱鄰
一枕羲皇夢好風時竇竇道術欲開花浪傳是七七
此別到何時何時歸鴻鵠長安亦不遠鮮飈常飄颻
人生富與貴絳杳已默隲正當清明時不論崇卑秩
少小讀詩書匪徒供佔畢出仕臨民人物欲在懲窒

二陸與三張古今亦非一行
其敦明德立志須投筆
玃璣懸家譜姓名香馥馥

重刻來瞿唐先生日錄

鍾鳳編

登鐵鳳山寄傳達吾計部

蒼精矗矗蟠地軸滿目霜礪排玉谷翩翩輕飄九坂
桐琅玕遠映三湘竹南風韶樂近夔城左臯右稷賡
玄穆鐵鸞銜詔下重旻執信秉桓環岳牧影入巫陽
十二灣雲鬟冷落吹蕭曲楚狂骨朽幾千年綠綺翻
作白頭篇朝陽客去無消息蒲林鳥雀啄蒼煙回看
浩劫風飄瓦簷乏承間沉大雅岐陽花發幾番春河
洛空傳龜與馬藥珠仙子隔虹橋咳唾璀璨錯成瓊瑤

我來十月十日朝雲遙遺我金錯刀剛風吹引步玄
璇捫霧披霞手可拓此間白石可煮黃雲可燒胡不
同來跌此鳳冠酌彼瓊醪天涯一壘思滔滔無窮煙
水落霜毫淋漓醉墨灑靈鼇山精腦裂驚蒲牢太清
乘醉訪盧敖東極西荒海日高

升湫歌

與張生醫者時遇傅太守宅

巨靈喝山山自擘連峰鏘斷懸孤壁窅空一曲乳珠
泉雲流日照巘嵌赤子和醉後敲素虬呼童舐筆長
升湫風遂一聲山石裂時有黃鶴扶青牛眼看屨步

成真樂異境高懷相倬約翻笑曹溪一勺廿歲久自
然生築鑿春風吹杏鳥啼花巡牆繞屋蒸紅霞五禽
不獨多仙術一枝猶足慰瘡痍人生都欲爲良相臨
關雞犬通奔放可憐一段活人心盡爲東華塵隔障
花間邂逅見高超刺史風流興更豪還家若有梅花
夢定在天生月下橋

張從政字子和曾著六門三法

獨立

松木溝中草纍纍松木寺邊人獨立流雲走霧霑衣
濕十丈龍泉翻雪汁丈夫矻矻無階級綠染蓑衣青

染笠君不見梁山來瞿唐前年病疴臥床今年病
脾藥滿囊禁盪止盪髮塗霜

崔二臺進士載酒江邊席上口占奉贈

人生七十古來少盡爲浮名驅到老杜甫憂時夜夜
愁元超舊恨猶難了宦情多半染髭鬚紅塵白苧無
人掃羨君平地作神仙金鼎瑤圖信自然少年調笑
明光賦盡入馬指齊物篇憐我棲遲缺鳳久拉我江
邊芳杜畝一曲高歌江怪驚青簾日舫迎紅友日暮
人扶酩酊歸沙鷗漁子笑殘暉懽呼但得尊中趣說

甚空中雞犬飛

餞鳳江邊與高太湖方伯話別

少年談笑看吳鉤綠樹朱顏映御溝別來幾換蘼蕪
葉不覺星霜已上頭功名世上無真假呼盧一擲如
奔馬蹇予久著釣竿篇悠悠誰是知心者銅雀黃金
處處臺故人書絕令人猜天涯歲歲王孫草一腔懷
抱對誰開幾年爾從巫峽去今日仍從巫峽來巫峽
之水一去不復回與爾別去二十載之歲月不可挽
回者與此水亦何異哉我有雲霞萬里脚年年長被

青山約一筇偶拄聚雲閣夢中與爾同一酌叫回紛
紛旧六鑿片片都城弃道屨挾醉欲騎鵲鳳飛下視
八荒成落寞

朱最峰兩度惠詩扇過獎草此奉贈兼致不敢
當之意二一首

細雨春城淨晚蘭美人遠遠贈琅玕官清不獨甘塵
甌句古多應學建安祇爲泥濘妨馬足肯將咫尺隔
詩壇去年繪筴猶珍襲一匣瓊瑤墨未乾

五岳關心髮欲皤一生活計未芝歌文光那得高于

斗安樂應知小有窩苦雨黃梅沿徑落啼花謝豹背
人過詩成自笑重回首水碧山青市地沙

送魏淇竹計部

時集宴達吾宅

幽居忘歲年永托山川奧缺鳳枕瞿唐咫尺不可到
一枕蒼龍灣銀海舒長嘯美人去殊方揚舲下一棹
別橋憶悠悠世故等幻泡石上破新尊魂屑飛一妙
搏沙又飄梗千金買一笑醉後清廟篇餘籟發靈竅
水落石底月蒼然照我貌便欲馭天風同君駕鸞翮

松木溝雜咏

自著漁經二十年從來不費買山錢
山中醬醢知多少安得家家覆太玄

酒滿春缸花滿枝自家斟酌自題詩
磬聲敲破無端思莫遣人間荷蕢知

十尺清溪三尺波春風杜若落花多
閒來獨步漁郎月偶聽滄浪濯者歌

勉愛行送陳西岐還銅梁便柬張崕嶸中丞

長風吹雪冰澌澌溪橋松竹相因依
西岐此去幾千里雲山忽忽將何之
丈夫出處無平仄托身大塊須

高格春風偶到孟嘗門
填門光紫排賓客
一日囊空
季子金眼前
機杼成羞澁
悠悠世態將奈何
西飛白日生蹉跎
回看匣中三尺水
便是回陽止日戈
別後還當策高足
莫向尊前歌刻鵠
誰道龍州無木奴
春蘭秋菊爭遲速
每回銅人問茂先
曾於巫峽見瑤篇
丁香筇竹煙嵐冷
十二嬋娟亦避妍
爐峰擲地幾千尺
何時詩骨生雙翼
乘槎仙子筆如戟
青天共問題空碧
却恐山靈不相識
先折梅花通信息

青蓮行贈李少泉明府

青蓮道士人如玉，驚詞螭藻高衡麓。郢涓王宋擅文
名，千載於今繼芳躅。偶因製錦到蚕叢，隨車膏沃遍
花封。花封之人歌李父，詩書禮樂舊文翁。樹蘭剪棘
多懷惠，白虹出匣鏐愈銳。巴川當路重于山，榮名仍
復收蒼佩。我生山水是生涯，鍊鳳來看千尺花。豈知
都歷山前月，一笑相逢意氣嘉。林下誰人空自老，羨
君年少負雄華。丈夫行藏各有主，穎川渤海傳千古。
有樹通欲種，甘棠有服定知將。多補江邊醉後歌，青蓮
坐看江水淨娟娟。滿城一夜絃聲發，何人不道子游

賢

賦得有所思一首寄傳達吾

都歷照江江水碧美人只在千金石思與美人石上
遊捉月輕風生兩舄白厓岌岌風颼颼美人只在流
杯池思與美人池上飲夜闌無酒解金龜憶昔我來
天正暑小魚彭蠡同烹煮漁沱沽酒問堆花得歡忘
形到爾汝今來美人綰銀魚飄飄黃蓋引高車相見
江邊還一笑燕南鴈北似呵噓世上功名登九坂白
日紅顏生酢醺龔牛郭馬誰相傳又見今人照青簡

有所思有所思兮思離群北山南浦隔風濤窓前不
待梅花發入枕神凝卽是君

江邊別郭夢菊

四首

巫岫雲霏霏滙石齒齒細侯昔入夔在在歌麟趾
玄藻拂榴花絃歌滿人耳文翁今重來風教立頑鄙
嵒岷玉壘間色色妍桃李而今復何之令我走江涘
夜昨觀台垣大雅虛宮徵

何者爲魚目何者爲夜光何者爲燕雀何者爲鸞鳳
悠悠天地間毀譽何滂滂孔丘千載前栖栖且彷徨

況今千載後點白不成蒼清風吹我巾明月照我裳
風月知我心浮雲未足傷

我有孫枝琴龍鳳蟠唇足不向人間彈往往尋幽獨
朝彈露下松暮彈月下竹君侯知我音五馬來空谷
投我白雪篇擲我陽春曲感君纏綿意微上寫不出
爲君再三彈再三山水綠

出門天地寬江海何縹渺人爵不足榮榮名實爲寶
自古焦冥飛長不見鳳葆黃鵠掠雲霄屈尾爭池沼
贈君木難華錯落瑤光草素志將明德金石同爲老

萬里各分攜瞻望思如擣

金丹

我有金丹羲皇親授尼山日將泗水月就無意無象
無聲無臭實兮今古虛兮宇宙清風迎前明月送後
一朝飛身簫韶齊奏鳳凰來儀麒麟馴囿呵佛罵老
民安物阜顛連我持竿獨我救江湖舟楫宗廟俎豆
求丹之初惟除習舊養丹之法不愧屋漏

太白崖歌贈傳達吾民部橋梓

傳有精舍在崖下鏡湖流杯池黃魯直石刻

昔古蹟也魯直謂蜀中之勝莫有長于此者
歌以發之

剛風夜拂長庚落螺石江頭爭截粵周遭雲母屏如
削直穿霄漢煙霞薄諸星相從下寥廓大者象馬小
者雀標顛一壘何飄泊萬點芙蓉生霧一溝冰雪
赴大壑乾坤元氣流斟酌琪龕貝竇鬼所鑿羆綠猿
玄蟠粉腰仙人曾此食靈藥石髓澌澌飛醴酪長風
扇海搖六幕菸邑恐終歸隕穽一朝偶爾騎鍊鳳嗎
然一笑冲冥寞至今紅塵之子不敢登登之輕祿爵

我曾輕舉夢三台驅馳巽二成龍媒吟魂逍散招之
不肯回乘風偶到小蓬萊前人遊者化于灰一灣古
血生青堆惟有豫章太史書數字神呵鬼叱不敢推
近前欲讀之蛇蚓齧蒼苔傅氏父子兄弟倚馬才大
者茸棠長向西北栽小者禦梧禁柳繞鸞臺一時香
名滿市槐綠野堂向此中開午日寶鏡廠山隈詩豪
棋伯共流杯赤髭白足相徘徊占斷太白一厓秀直
與魯直相追陪頃刻古往卽今來惟有江山不老是
仙胎不知千載之后誰又尋我詩千厓巒擱羅絲會

掃塵埃丈夫得志無窮達不且與爾長嘯豪吟于斯
厓之中以消磨千古萬古之江山欲將爲之何哉寄
與猿鶴莫相猜好破厓中葡萄鴨綠醅

古別離

寄楊作吾時遊陽三府

悠悠念往路四望何寥廓游子行未行月上城東柝
仰視日月馳杯酒猶如昨夢裏各一方秋螢滿搖落
怪爾催歸鳥長如切夢刀五更到君前依舊隔雲濤
念子非一身安得同襦袍刺有林蠶與不共真珠槽
浮雲自東來偶然背溪走廻旋如白衣倏忽成蒼狗

食藥與食梅人見各適口苦酸止自知對客不可嘔
我欲登日觀隨君入崦陽飄然王母池安期共相羊
讀以玉虛篇飲以紫霞漿輕風輟兩腋海岳任翱翔
朝瞿唐今夕梁父不作人間別離苦

雙鳥篇

寄誠齋

鏡鳳有雙鳥生長朱簾深一鳥鸞之孫一鳥鶴之子
羽翼未成時風巢亦因倚來往變雲根相將啄霜藥
林薄葱翠多睠結同心綺一鳥羽翮長不生煙火齒
澤國稻梁多翻厭如糠粃歸飛雲漢間長往入濠汜

欲棲扶桑枝止啄涓槃水一鳥羈雲羅手足有所倚
褊褊啣火來哀號常不已品類豈不同羽毛亦相似
天高湯網踈應當暗七豕顧哀此時命南溟不得徙
二鳥從茲隔咫尺成千里一夜腸百迴纏綿如葛藟
南來有鴻鴈豈無雲煙紙九關虎豹多終畏此枉矢
莫羨雉山梁莫怨鸞棲枳凡物各有主坎軻隨流水
屈者有時伸仆者有時起仆時何所悲起時何所喜
聽我嚶嚶篇詩人有風旨

春燕

二首

金 卷之四
一自飛來漢水濱，春風幾度主人知。
烏衣國裏波濤濶，紅樓懷中去住遲。
但得壘巢猶未破，何嫌鶯隼漫相疑。
乾坤浩蕩饒清景，水滿汀洲花滿枝。
懶與長林占一柯，衣冠琴瑟傍行窩。
青春有脚家家好，白屋無常處處多。
笑我何緣穿水石，看誰翻見掩雲羅。
清時記得呢喃曲，獨對東風發浩歌。

酬大池

雷聲忽送牛頭雨，野水遙分燕尾流。
好鳥簷前連日噪，故人天外有書投。
渥洼羨爾今生駿，溪壑憐誰自

狎鷗到處春深寧杜若可能無句夢芳洲

白帝城二首

巫峽雲堆十二鬟樓臺倒影峽之灣陰崖亂點龍蛇窟疊嶂雄封虎豹關萬里有懷頻極目百年何事不怡顏可憐前度杖藜者衣短綈長髮更斑

今古關河一壯哉孤城殘堞掛崔嵬千尋鐵鎖鮫居畔萬壑雲濤鳥道來陰雨年年生蔓草墮碑處處枕莓苔臥龍躍馬都成夢只寫清詩伴酒杯

昭君解

北風寒月摧胡草琵琶一曲娉婷老自甘命薄付紅

顏玉黛金鈿長不掃解一空斬摸形舊畫師世上錢神

解盡眉黃金盡處無顏色佳人妍者自然嬌解二弱質

從來逐雞狗其酸苦樂無好醜長門且欲賦千金愁人

不獨髡胡有解三尚憶當年鎖暮妝年年歲歲怨昭陽

身在漢宮如矢志也與胡姬共斷腸解四